



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitulum III. Ex parte.

[urn:nbn:de:hbz:466:1-62587](#)

processu judicij cùm testes examinarentur, Vitus Canonicus confessus est, quod pro assensu præstanto electioni alterius 500. Sarracenorum obligationem accepit, & mediator extiterit simoniaca prauitatis. hoc intellesto Innocentius III. eum per sententiam definituam ab omni beneficio ac officio Ecclesiastico depositum. Verba huius Capituli duplum sensum admittunt, prior est, quod Vitus in se receperit obligationem Sarracenos præstadi Regi, ut alterius electioni assensum præberet, alter quod promissionem obligationemque alterius electi acceptarit, de præstanto sibi Sarracenos, si electionis suffragium sibi conserret.

S U M M A R I U M .

i. *Deponi potest à Beneficio & officio, qui simoniacum se in iudicio confessus est, non tantum à Summo Pontifice, quamvis tantum incidenter hoc crimen cognoverit, sed etiam ab inferiori Iudice, si de hoc crimine, quod incidenter prius in iudicio cognoverat, specialem postea inquisitionem fecerit:*

Nota. Qui se Simoniacum in iudicio confessus est, à beneficio & officio deponi potest, nam hoc scelus simoniae ex enormibus unum est, quæ depositionem merentur. *c. At si Clerici. 4. §. de adult. de Indic.* Potest tamen Episcopus considerata personæ ac criminis qualitate, pœnam temperare, ut ibi dixi; & mox declarabo magis. Difficultas est, quod crimen huius Viti tantum incidenter & per accidens in iudicio cognitum fuit, quia ad hoc actum non erat; ergo non debebat pœna ordinaria depositionis in eum decerni, iuxta ea quæ diximus *int. 2. de Ordine Cognitionis*; attamen pœna suspensionis affici posse eum, qui tale crimen sponte confitetur, colligitur ex cap. *Quam sit: De excess. Prelatis*: Variæ sunt Responsiones; hæc probabilius, quod finito iudicio inter duos electos, judex ex officio inquisitionem instituerit contra Vitum, confessionem eius de criminis commisso incidenter antea facta producens, ut eam denuò confirmet, id enim

fieri posse dixi in *c. 2. & c. Cum super. 4. De causa possessionis & trad. gl. hic verb. Confessus*, & sumitur ex *c. Nihilominus. 16. Caps. 3. q. 3. l. Iubemus. 24. C. De Probationibus*. Neque obstat *c. Inquisitionis. 21. de Accus.* ubi dicitur, si per modum inquisitionis procedatur, si simoniacum non esse pœna depositionis, sed alia arbitrii afficiendum, nisi commissa fuerit simonia, in Ordine aut beneficio suscepto, ita ut executionem Ordinis aut retentionem beneficij impedit, atqui Simonia à Vito non erat commissa circa ordinem aut beneficium à se acquisitum, sed circa alterius electionem, ergo non debebat inferri pœna ordinaria depositionis. *Resp. Cum Panorm. lib. n. 10. in dicto c. Inquisitionis non prohiberi iudici quo iniurias in hoc casu commissæ simoniae pœnati depositionis ordinariam decernere queat, sed tantum permitti, ut spectatis circumstantiis personæ & commissi criminis pœna moderari possit. Id vero longè certius est, quod saltem sumimus Pontifex alligatus non sit his constitutionibus, sed quandocumque judicialiter cognovet per modum accusationis aut inquisitionis principaliter aut incidenter, illud ex plenitude potestatis pœna ordinariâ punire possit, ut glossa hic docet verb. Confessus*. quare addendum est, quod in ordine ad Papam, ut crimen hoc punire potuerit, & quidem pœna ordinariâ, opus non fuerit nouo processu, sufficiebat crimen cognitum esse incidenter, præfertim cùm non per accidens eius cognitione acquisita sit, sed potius per se sive secundum requisitionem causæ, nam alter electorum ideo repellebat, quod simoniam commisisset, id vero re st̄ ostendendum erat per testimonium & confessionem Viti, tanquam cooperatoris & mediatoris ad crimen.

C A P I T U L U M . III.

Ex parte.

P A R A P H R A S I S .

Inter Abbatem & Conventum S. Mariæ ex una parte, & Victorinum, nomine uxoris ex altera parte, lis erat in iudicio, in quo

in quo æconomus seu Syndicus Monasterii quædam per facti errorem confessus fuit, queritur num id nocere seu præjudicium generare debeat procuratori aut Monasterio. Resp. Gregorius IX. quod error facti negotio nondum finito nemini nocere debet, dummodo talis error ostendi possit.

S U M M A R I V M .

1. Error facti in iudicio, litem nondum finita commissus, ostendere & reuocari potest.
2. Confessio Syndici, Tutoris, aut Prælati, legitime in iudicio facte, nocet Ecclesiæ, pupillo & communitatì, cuius nomine agit.
3. Si error fuerit in iudicio commissus circa alienum factum, sufficit, ad probandum errorem facti, ostendere, rem aliter se habere.
4. Quod si tamen ex officio scire aut inquirere factum illud debuisset confitens, vel error sit circa proprium factum in iudicio commissus, ordinariè non admittitur confitens, ad ostendendum rem aliter se habere.

NO T A I. Si error facti in iudicio lite nondum finita commissus sit, ostendere & reuocari potest. Est autem hoc communè & ordinariū remedium non solum Ecclesiæ & Minoribus, sed omnibus competens. 1. Error. 7. de juris & facti ignorantia. c. 2. De in integr. restitut. in 6. vbi id explicatur.

2. Nota II. Confessio Syndici seu procuratoris facta in iudicio, prædicat Ecclesiæ, ita videtur colligi ex hœc, & habetur expressius in c. Suborta. 21. De rejudicata. & c. Olim. 20. De Censibus. Dixi de hac re in e. 1. Ut lite non contestata. q. 2. Idem quoque locum habet in tutori, curatore, Prælato, aliouē legítimo administratore, quod eius confessio in iudicio, cum ad legitimam interrogatiōnem responderi debebat, nocet Ecclesiæ, pupillo, aut communitatì, cuius nomine agit. arg. 1. Si se non obtulit. 4. ff. de re judic. & docet Panorm. hic n. 10.

3. Queritur, quando probetur error facti in iudicio commissus. Resp. si error diciatur commissus circa factum alienum, tunc

sufficit ostendere rem aliter se habere, nam in tali casu locus est regula 42. in 6. Praesumitur ignorantia, ubi scientia non probatur, & sumitur ex l. de atate. 11. §. Qui justo. ff. De interrogatoriis action. & tradit Lanfrancus in praxi c. 7. n. 32. cum gl. in l. Certum. §. Sed an & ipsos. ff. de Confessis. De Confessione procuratoris vel administratoris, quod à principali reuocari possit, ostendo aliter rem se habere, quia Procurator de facto alieno confessus fuerit; excipi debet, si tale factum sit, quod aliquis ex officio inquirere & nosse debebat, quia confitens ordinariè non admittitur ad probandum, rē aliter se habere, cum sit præsumptio cōtra ipsum. arg. c. Innotuit. 21. De elect. Quod si verò error dicitur commissus circa factum proprium v.g. circa propriā confessionē in iudicio, tum ordinariè non admittitur aliquis ad ostendendum, rem aliter se habere, si confessio facta fuit de proprio actu, v.g. contractu à se inito. arg. c. Ab excommunicato. 41. De Rescript. nisi circumstantiae ad sint, ex quibus præsumptio fieri possit, eum errasse, ut si suāfione aut metu inductus sit ad confitendum. arg. l. vnic. §. fin. ff. Quando actio de peculio. Vel ob temporis longinquitatem. arg. l. Peregrin. 44. ff. de acquir. posse. vel si negotium nimis intricatum sit. Vt Panormitanus hic docet in fine. Videatur Imola hic n. 15. glossator Dini super reg. 47. in 6.

E O D E M T I T U V L O in VI.

C A P I T U L U M I.

Statuum us.

Quandoque iudex postulante sequitate admittere potest, ut positiones negatiuae ab actore foimuntur, quia licet ab ipso probari nequeant, potest tamen ad eas Reus respondere confitendo aut negando.

Notandum vnicum. Licet propositio negatiua, si tempori, loco aliisque circumstantiis adstricta non sit, secundum rerum naturam probari non posse censeatur,